

Afai ua mū lau tamaitiiti


- 1 Kī faasisina suāvai mai i le paipa mālūlū i luga o le mū i le va o le **10 ma le 20 minute**.
- 2 A oo loa ina mālū, tatala 'ese lavalava mai i le itūtino mū. Afai ua pi'itia lavalava, tipi 'o'oti faataamilo i le 'ie.
- 3 Faateete 'aua ne'i pa'i i le mū poo le faapāina o ni mea pāpā o le pa'u auā o le a mäfua ai ona 'oloā.
- 4 Ufiufi le mū i se fāsi 'ie mamā e lē mäfunafuna vulua; o se faatusa: o se 'ie poo le 'aui faamātagataga i le laumanifi māmamalama pipi'i (cling film) ina ia puipuia ai mai i le 'oloā pipisi. **Faailoaga:** 'Aua ne'i tuuina le laumanifi māmamalama pipi'i (cling film) i luga o mata.
- 5 Ia 'aumai ni fāutuaga i lau fōma'i poo le falema'i i lou nuu, e uiga i mū i mea vevela.



Kī faasisina suāvai mai i le paipa mālūlū i luga o le mū i le va o le **10 ma le 20 minute**

O Faailo Asu

Ia mautinoa o loo i ai faailo asu ola lelei i totonu o potu moe ta'itasi, potu mālōlō ma le ala i vā o potu. Ia su'esu'eina faaa'oa'o faailo asu i māsina ta'itasi ma faamamā i le masini (vacuum) i le ta'i ono māsina.



“BEEP BEEP BEEP”

O Taupulega o Ala e Sōsola 'ese ai

Ia gālua'iina fuafua se taupulega mo ni ala e sōsola 'ese ai ina ia talafeagai ma lou āiga ma ia talanoa faatasi i ai ma tagata uma o loo nonofo i lou fale. Ia faaa'oa'o le faiga o lau taupulega o ala e sōsola 'ese ai, pe tusa ma le ta'i ono māsina.

www.fire.org.nz



www.safekids.org.nz



Safekids
CAMPAIGN

Kaupapa Tamariki Haumarū



FAASOLOGA O MEA E AO INA FAI I ĀIGA MO LE PUIPUIGA O MŪ I MEA VEVELA



SAMOAN

Ia ē Utamamao i mea e Mū ai

E toeitiiti atoa le 200 o tamaiti e 'ave i le falema'i i tausaga ta'itasi, talu ai ona ua mū i afi, ma suāvai vevela; e i ai: mea inu, mea 'ai, vai vevela mai le paipa, mea e kī faavevela e i ai ogāumu, u'amea, ma isi mea e kī faavevela. O le to'atele o tamaiti mānunu'a ua i lalo ifo o le lima tausaga. O le ta'iala lenei ua saunia atu ai ni fāutuaga e fesoasoani iā te 'oe ina ia puipuiina le mū o tamaiti lāiti i le si'omaga atoa ma totonu o lou āiga.

- la tuu 'ese mamao mea inu vevela mai i tamaiti lāiti, ma 'aua 'aua lava ne'i ē si'i faafailleina se tamaitiiti a'o 'u'u se ipu o mea inu vevela.

- Taumamao 'ese mai i le faavevelaina o mea inu a tamaiti pepe i totonu o ogāumu (microwaves). Afai e te faaaogāina se ogāumu (microwave), ia tautuanā e matuā lūlū lelei le fagu pe ā uma ona faavevela.

- la taunapa i taimi uma e vaava'ai lelei tamaiti lāiti i le taimi e tā'e'ele ai i totonu o tapu tā'ele poo paipa sisina tā'ele, faapea fo'i ma le taimi e fafano ai o latou lima.

- la faaalua muamua le vai mālūlū i totonu o le tapu tā'ele 'ae e le'i faaalua i ai le vai vevela.

- la faaaogā "mea faaufiufi" ua pāsia mo le puipuiiga o le tamaitiiti, e ufiufi ai au paipa vai vevela.

- Fuafua lelei ina ia "leai ni tā'aloga" e faia i totonu o le umukuka ma le potu tā'ele.
- O vai vevela e sau mai i le paipa, e tatau ona i le va o le 50 ma le 55 tikeri le vevela. Afai o vai i lou fale ua foliga vevela tele, fai ane i se tagata fai paipa ua faalesitaraina, poo se tagata o le ofisa o eletise i lou nuu na te su'esu'eina ma kī faaitiiti i lalo le vevela.



Ia ē Utamamao i Afi

I luga o tulaga faatatau, e iva tamaiti ua māliliu i afi mū sasao i fale poo taavale i tausaga ta'itasi uma, ma ua to'atele sili atu tamaiti e gāsolo i falema'i ma mū. O le tele o afi mū i fale, sa faapogai mai i sē tasi sa ta'alo i afitusi, afitutu utufaga, mōlīga'o, poo afi faamāfanafana fale. Faaaogā manatu nei e tausia saogalemū ai lou āiga mai i afi mū.

- Tuu 'ese mamao afitusi ma afitutu utufaga 'aua ne'i au i ai, pe fetāgofi i ai tamaiti, ma ia a'oa'o lelei i latou e vave 'ave i se tagata matua ni afitusi poo afitutu utufaga pe a latou mauaina.

- la faamau lelei mōlīga'o i totonu o tulāgā-mōlīga'o e lautetele o latou vae-faatulaga; ma ia tuu 'ese mamao mai i soo se mea e faigōfie ona mū; o se faatusa: pepa, 'ie faamalama.

- la faapepē uma mōlīga'o a'o le'i o e momoe, poo le o 'ese ma se potu.

- 'Aua lava ne'i faaaogāina mōlīga'o i totonu o potu moe

- 'Aua lava ne'i tu'ua faatalalē ma lē vaava'aia le faavelaina o mea 'ai

- la mautinoa o loo lelei atoaatoa tulaga faaaogā o mea e ola i le eletise.

- 'Aua ne'i sili atu le faaaogāina tele o palaka eletise poo palaka e tele tuu faasolo i pusa.

- la mua'i kī faa-pē palanikeke eletise i taimi uma ae e le'i ta'oto i le moega, ma ia 'ave i se tagata ua pāsia i mea tau eletise na te su'esu'eina i tausaga ta'itasi.

- RTautuanā le Tulāfono i le Mita le va ma le Afi faamāfanafana (Heater Metre Rule) – tuu 'ese mamao meāfale, lavalava ma 'ie faamalama e tusa o le tasi le mita le va ma le afi faamāfanafana e alu i le eletise ma ta'inafi o afi-tafu.

- la faaaogā i taimi uma le pupuni mo malala fitifiti, ia tuu i luma o le afi-tafu ina ia pupuni i totonu malala fitifiti.

- la faaaogā le pupuni-afi i luma o afi faamāfanafana e alu i le eletise ina ia puipuia saogalemū tamaiti.



- la tuu 'ese mamao titata ma ueae titata, 'aua ne'i au i ai, pe fetāgofi i ai tamaiti lāiti.

- la faaaogā muamua matā-afi pito i tua o le ogāumu e faavela ai mea 'ai.

- Faaliliu 'au o 'ulo aga'i i le itū i tua o le ogāumu.

